



11-03-2026	
01	04 58637-104

125

Broj: 14-02-04-01317/26
Datum: 09. 03. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-58637-72/25 od 16.02.2026. godine

Poštovani,

U skladu sa Vašim aktom, broj i datum veze, kojim ste nam dostavili zastupničku inicijativu zastupnice Sebije Izetbegović koju je uputila u okviru 28. radne sjednice Skupštine Kantona Sarajevo, a koja glasi:

"... imajući u vidu izuzetno ozbiljne okolnosti nastale nakon teške saobraćajne nesreće koja se dogodila dana 12.02.2026. godine na području Sarajeva, u kojoj je jedan naš sugrađanin izgubio život, jedna sugrađanka zadobila teške tjelesne povrede opasne po život, dok je više lica povrijeđeno, uz pričinjenu značajnu materijalnu štetu.

Ovaj događaj je izazvao veliku uznemirenost javnosti i dodatno pojačao osjećaj nesigurnosti građana kada je riječ o funkcionisanju i sigurnosti tramvajskog saobraćaja.

S obzirom na navedeno, smatram da postoji potreba potpunog uvida u sve ugovorne odnose koji se odnose na funkcionisanje, sigurnost i održavanje tramvajskog sistema u Kantonu Sarajevo.

Tražim da se HITNO i bez odlaganja preispita i ukine eventualna oznaka tajnosti, te da se zastupnicima u Skupštini Kantona Sarajevo omogući potpuni uvid u sljedeće ugovore i prateću dokumentaciju:

- ugovore koji se odnose na nabavku tramvaja,
- ugovore o rekonstrukciji i modernizaciji tramvajske pruge,
- ugovore o rekonstrukciji i održavanju elektroenergetske mreže tramvajskog sistema,
- ugovore o održavanju i servisiranju tramvajskih vozila,
- ugovore koji se odnose na reparaciju i sigurnosne sisteme, uključujući kočione sisteme,

- ugovore o najmu i drugim komercijalnim aranžmanima vezanim za korištenje tramvajskih vozila za potrebe reklama.

Dodatno, tražim da se HITNO i bez odlaganja dostave svi zaostali izvještaji o radu i poslovanju KJKP GRAS za period od 2020. godine zaključno sa 2025. godinom, kako bi Skupština Kantona Sarajevo kao osnivač mogla izvršiti svoju zakonsku funkciju nadzora nad radom preduzeća.", obavještavamo Vas da Inspektorat saobraćajne i cestovne inspekcije Kantonalne uprave za inspeksijske poslove Kantona Sarajevo u okviru svojih nadležnosti vrši u skladu sa odredbama Zakona o cestovnom prijevozu FBiH, Zakona o Javnom prijevozu putnika u Kantonu Sarajevo, kao i drugim propisima koji uređuju oblast obavljanja cestovnog prijevoza.

Navedeni zakon i podzakonski akti koji proizlaze iz istog regulišu pitanja koja se odnose na obavljanje javnog prijevoza, javnog gradskog prijevoza, ispunjenost uslova za obavljanje prijevoza, licenciranje prijevoznika, tehničko-eksploatacione uslove, kao i druga pitanja iz oblasti cestovnog prijevoza.

Međutim, pitanja koja se odnose na zaključivanje, sadržaj ili realizaciju ugovora unutar privrednog društva, uključujući ugovore navedene u zastupničkom pitanju, nisu predmet regulisanja Zakona o cestovnom prijevozu FBiH, te s tim u vezi ne spadaju u nadležnost Inspektorata saobraćajne i cestovne inspekcije niti drugih inspektorata unutar Kantonalne uprave za inspeksijske poslove Kantona Sarajevo.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

